

52

T.3188/0.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 17 1940

湖南通志卷之四十八

哈佛大學漢和
圖書館珍藏印

秩祀三

祠廟

雍正七年奉

上諭山川之神錫福於地方百姓是以自古帝上皆誠心展
祀以答神貺即如向來盛京之地旱潦不時者凡六載
康熙五十九年朕奉

皇考命躬詣

祖陵道經山麓躬謁

北鎮廟潔蠲致祭因捐貲庀工載修廟宇囑令地方官員
虔恭致祭自康熙六十年以至於今盛京年穀悉豐登

稔又如

黃河之神虔誠禱祀果見安瀾有慶萬姓寧居皆

神祇垂佑顯然昭著纖毫不爽者此蓋以目前一二事而言其他難以枚舉也古稱江海爲百川之長而湖廣境內西南數省之水匯入大江又爲川澤之總會凡屬地土民人及舟楫行旅皆仗

江神默佑保護安寧允宜修建廟宇按時致祭以崇報享著湖廣總督會同湖北湖南巡撫確查妥議南北兩省應於何處各建廟宇或舊有祠廟敬謹興修皆動用公帑辦理此朕虔禱

神祇護國佑民之意並非諂媚以求一己之福也并令該督撫曉諭居民不得私結社會妄事祈求以滋褻慢

雍正十年奉

上諭據湖南巡撫趙弘恩奏稱南嶽爲皇上主壽之山昔年修建廟宇碑亭今歷年已久須重加修葺料估工費計銀八千四百餘兩請動公項興修恭祝皇上無疆之壽等語朕思皇天無親惟德是輔朕受

天眷命爲天下主一行事一舉念皆

上天

皇考之所照臨若身無失德自蒙

上天

皇考垂慈護佑益壽延齡若德行有虧居心行事獲罪於天

天下億萬臣民豈能代朕祈禱而寬其譴責乎朕御極以來無日不以此訓示天下臣民凡有奏請建壇誦經為朕祝釐延壽者悉嚴諭停止至於山嶽江河之神為地方捍患禦災錫福兆庶者則虔修祠廟潔誠展祀以申報享之忱並非為朕一身祈福也

上天

呈考實鑒此衷南嶽之

神佑我楚民朕心感激廟貌久未修理應照該撫所請敬謹舉行惟是趙弘恩陳奏之詞識見鄙陋不知朕心用頒此旨再行宣諭俾眾共知之

長沙府

至聖廟在府西嶽麓書院左

有像四配同十哲兩廡並至春秋祭儀與

學宮同

漢文帝廟在嶽麓山前名勝志漢文帝廟景帝二年

立

崇道祠在嶽麓書院側祀朱張二子

道鄉祠在嶽麓書院左祀宋鄒浩

六君子祠在嶽麓 聖廟後祀宋朱洞李允則周式

劉琪明楊茂元陳綱

名宦祠 鄉賢祠在學宮戟門左右

忠義孝弟祠在學宮旁立碑祠前刻

思旌忠義孝弟姓名於上雍正三年建

節孝祠在學宮旁建坊祠前刻

恩旌節孝姓氏於上雍正三年建

以上二祠春秋致祭各府州縣並同

關帝廟在新開門內飛虎寨

城隍廟在府城北門內

郡厲壇在府城內

里社鄉厲二壇在府城內

以上壇廟祠各州縣皆如制

福湘安農龍王廟在新開門內泐潭寺雍正九年建

祭日儀注詳前

江神廟在城外湘江西橘洲之上雍正八年建祭日

儀注詳前

賢良祠在長沙縣中舖乾隆二年

勅建祀趙恭毅公申喬

王公祠在長沙縣下舖乾隆四年

勅建祀明兵部侍郎王忠烈公偉

長沙定王廟有二一在長沙縣東北一里祀漢景帝

子長沙王發寰宇記定王廟俗謂之定王岡一在湘

鄉縣南去江一里其子湘鄉侯所立而後人因之也

屈賈祠在大西門內係賈太傅故宅內有賈公井後

並祀屈原府志明李東陽有記

舞陽侯祠在大西門外河街祀漢樊噲

秩祀

祠廟

張公祠在北門內祀漢太守張仲景

陶公祠在南門外惜陰書院右祀晉都督陶侃

五忠祠在北門內宋朱子帥潭時所立祀晉譙閔王

司馬承宋潭州通判孟彥卿趙民彥將軍劉玠兵官

趙聿之等五人并考譙王本傳象其參謀數人立侍

左右各立位版記其官職姓名奏祀如法

真西山祠府志在南門內者爲古西山祠宋時府署

舊址西山守潭多惠政士民立以奉祀今另建真文

忠公祠於小西門內

劉忠毅公祠在小西門內祀明巡按劉熙祚

周蔡二忠祠在小西門內祀明季死難知府周二南

推官蔡道憲從祀舉人馮一第貢生吳愉以上三祠

皆春秋委官致祭

趙恭毅公祠在北門大街爲巡撫趙申喬建

李公祠在北門大街爲巡撫李發甲建

羣忠閣祀屈原而下十一人死忠者舊府志稱在故

叛紳董良瓊園亭因籍歿改建是閣今不可考

蔡忠烈祠在大西門內祀明殉節推官蔡道憲

南嶽宮在南門內

炎帝廟在南門內

火神廟在善化縣坡子街

水府廟即洞庭神廟有二一在小西門外一在草場

門外

旗纛廟在府城東

長沙縣

漢長沙定王廟在縣東一里祀漢長沙定王發

孝烈靈妃廟在縣東二十里明統志秦武陵令羅君

用督鐵運溺水其女挈弟尋父屍不獲遂赴水死宋

元豐間贈女曰孝烈靈妃弟曰孝感侯立廟長沙

栗相公廟在縣東六十里府志神姓栗名萬全梁時

陣亡葬梅藪

善化縣

吳王祠在湘春門外祀漢長沙王吳芮

烏程侯廟在縣西祀漢長沙太守孫堅

向公祠在大西門內祀宋安撫向士璧

李忠節公祠即能湘閣在小西門內宋末李芾知潭

州闔門殉難潭人即其死節處立祠祀之配以尹穀

楊震顏應焱陳億孫從以義士沈忠每年春秋致祭

理靈祠在南門外府志堵引錫記畧曰此為古醴陵

坡癸未秋司理蔡公死難越明年五月糾諸同人建

祠於此因改醴為理言公之盡職改陵為靈言公之

不朽也

湘潭縣

南嶽祠在南城下

江神祠在縣西七里

許旌陽祠在馬山上祀唐旌陽令許遜

包孝肅祠在縣西楊梅洲上祀宋包拯又興馬洲亦

有之一統志孝肅生平未至湖南其子縉通判潭州

早卒長沙人因祀孝肅

胡文定公祠在縣南百二十里即碧泉書院

三賢祠在縣西南隱山明統志宋胡文定父子及張

南軒往來隱山而樂之後文定葬此山因立祠祀之

今春秋致祭

四先生祠在縣學後祀宋儒胡安國張栻朱子真德

秀

湘陰縣

洞庭龍神祠在縣北磊石山府志以四月初八日祭

二賢祠在學西祀夏元吉易先

黃陵廟在縣北祀虞舜二妃後漢書郡國志羅縣注

帝王世紀曰有黃陵亭湘中記亦云二妃之神水經

注湖水西流逕二妃廟南世謂之黃陵廟也言舜之

陟方也二妃從征溺於湘江神遊洞庭之淵出入瀟

湘之浦故民爲立祠於水側焉方輿勝覽黃陵廟在

縣北八十里唐韓愈有碑縣志雍正九年知縣周相

重修每年於六月十四日致祭

汨羅廟在縣北六十里汨羅江上水經注羅淵北有

屈原廟廟前有碑又有漢太守程堅碑記府志汨羅廟明洪武初知縣黃思讓重建並於廟前建濯纓橋橋畔建獨醒亭一統志益陽縣西南又有鳳凰廟亦祀屈原相傳此地爲原作天問處縣志又有三閭祠在城內市心街明知縣梁汝璧建每年於祭丁次日致祭

馬伏波廟卽升德廟在笙竹驛東

昭烈廟在縣東北名漢家山

祠山廟在縣北府志神爲張渤常鑿河通舟有功於民或曰武陵人或曰黃帝子大禹時居武陵

雷將軍廟府志卽唐雷萬春夏忠靖公毋夢之生公

因建廟

易忠節祠在城北祀明死事交趾諒山府知府易先每年祭丁次日致祭

湘鄉縣

銅坑龍王祠在縣東去江五里十一月上旬祭

南嶽廟在縣東南崑崙橋右

火官殿在縣治南

蔣公祠在縣城內祀漢相蔣琬

褚公祠在縣城內祀唐都督褚遂良宋魏了翁有記

寧鄉縣

蔣公廟在縣西南溫泉鄉元立祀漢丞相蔣琬

義士廟在縣北門外祀明長沙知府堵引錫幕客余
昇事詳各官

邱公祠在縣北門外祀明殉節知縣邱存忠以同時
死節紳士陶燠劉為邦等朱之經一百三十六人祀

張魏公祠有二一在縣儒學左祀張浚其子栻祀
明楊廷和有記一在縣西大瀉山當其墓前每歲春

秋致祭

益陽縣

鳳凰廟在縣西六十里弄溪之濱縣志世傳屈原作
天問處廟祀原與其夫人洎其三子俗呼為鳳凰神
豈以原數引鳳凰或以原孤忠如鳳凰之不世見耶

十九賢祠在龜臺山祀屈原賈誼諸葛亮關帝陶侃

謝安褚遂良杜甫裴休張詠唐介胡寅岳武穆朱晦
翁張栻真德秀辛棄疾李芾蔣信

五賢祠在縣城南祀楚屈原漢諸葛亮宋張詠張栻
胡寅

張乖崖祠在縣北門外宋建一統志宋史本傳不載
詠知益陽或云為益州之譌而益陽有詠祠又有壓
波亭相傳江水泛溢詠禱於神命人杖水應時而退
張栻作乖崖松詩亦有當年蔽芾之語則詠固嘗知
益陽也

關瀨廟在縣西南五里資江北岸祀漢關壯繆侯縣

志先王入蜀留壯繆守荊州吳取長沙桂陽零陵三郡公爭之與魯肅相拒於資水後人即其屯兵之所立廟以祀名曰關瀨廟

劉公祠在城西拱北街祀明刑部侍郎劉憲每歲春秋致祭

瀏陽縣

蜀先王廟在縣東唐家洲上

張桓侯祠在縣東城外

楊孝子祠在縣治東唐時楊孝子哭親而歿邑人爲立祠俗稱麻衣孝子廟

二賢祠在縣學西合祀宋楊時元歐陽元

楊龜山祠在縣治南紹聖間時爲瀏陽令有惠澤邑人立廟以祀

歐陽圭齋祠在縣治西南祀元學士歐陽元

本朝康熙五十九年裔孫勝謙構學舍置祀田五十畝改額曰南山書院學使黎致遠爲記

易別駕祠在縣西巨湖山下祠本晉別駕易雄故居既殉王敦之難遂即其地建祠以祀元封忠愍侯明改稱宜陽別駕之神每以八月十四日致祭

安化縣

張公祠在縣南門外唐勇士張抃天寶間與南霽雲同殉睢陽之難勅封忠靖威顯靈佑王湖湘間多崇

秩祀

祠廟

祀焉

王公祠在縣東八十里司徒嶺上五代楚建祀死事將王全宋熙寧間章惇開梅山奏封嘉應侯修祠崇祀吳致堯有記

醴陵縣

伏波將軍廟在縣西南九十里昭陵灘

李衛公祠在縣西二里西山靖興寺靖駐兵處相傳上有紅拂墓

朱子祠在舊儒學後以朱子經此邑士人鑄像祀之後朱子重過此地有詩屢燬於兵康熙五十一年辰州司馬宋吉金刻其遺像並詩於碑石

呂成公祠在縣北三十里宋呂祖謙講學萊山邑人建書院居之後卽於其地爲祠祀焉

攸縣

雙忠祠在縣東祀周二南蔡道憲

水府廟在縣西郭

茶陵州

炎帝廟在州北太和山前後兩殿前祀神農後祀赤松子以漢張子房祠

茶陵侯祠在州北江上一名福濟廟祀漢長沙定王子茶陵節侯訢宋尹謙孫廟碑記漢高帝五世孫爲茶陵節侯後屢封曰孚祐昭應英惠廣澤王王在國

秩祀

祠廟

寬慈吏民追思請立祠以祀

蜀帝祠在二十一都西巖口

岳武穆祠有二一在州西門外名青雲菴一在西郭

山側名旌忠祠祀宋岳飛

李文正公祠在吸秀亭舊址久廢今建櫺星門左

忠烈祠在西郊外祀司理蔡公江門郡人張有源從

祀

衡州府

社稷壇在府城北

風雲雷雨山川壇在府城南門外

先農壇在府東郊

名宦祠 鄉賢祠在學宮戟門左右

忠義孝弟祠在學宮側立碑祠前

節孝祠在學宮側建坊祠前

關帝廟在府城內

火神廟在府城大西門內

城隍廟在府治南

郡厲壇在府城北

里社鄉厲二壇在府城外

以上壇廟祠各州縣皆如制

旗纛廟在府城內

衡陽縣

帝學廟在縣西南二十里兩母山湘中記兩母山上
有帝學祠每祭嘗有雲氣

舜廟在縣西宋郡守劉清之命主簿程洵重建

禹廟在縣北五十里岫嶺峯古蝌蚪文碑在殿後峯
頂有懶殘塔舊址界連衡山

申包胥廟在縣南打線坪

娑羅廟在城西卽三閭大夫祠

諸葛武侯廟在縣北輿地紀勝在石鼓山先王鎮荆
州諸葛亮嘗駐守臨烝後人立廟祀之

伏波將軍廟在縣北烝江西岸

趙忠定祠在縣東開福寺湖廣通志汝愚為韓侂胄

所忌謫永州道經衡州為守臣錢鏊所窘暴卒殞此

因立祠

向公祠在開福寺旁湖廣通志宋向子恣知衡州有
善政民立祠祀之胡寅為記

三賢祠在府學東湖廣通志宋丞相李迪劉摯中書
劉攽皆以忠直謫衡後人立祠祀之

周濂溪祠在府學西府志先生道州人母鄭氏宋龍
圖閣學士鄭公向之女弟也公少孤依舅氏家讀書

於城西今衡陽縣學地乃鄭公故宅也以胡忠簡及
聶公遜配有奉祀田塘一百六十畝零邑令高清勒

石祠前

胡忠簡祠在縣西西湖寺一統志宋胡銓謫衡州嘗講學於此

鄒陳二公祠在縣西二十里花光山廣教寺宋鄒浩陳瓘俱以言事謫官過此畱題寺中郡守劉清之立祠以祀之

先賢堂祠在縣西宋郡守王亞夫建以祀李昉張齊賢劉清之鄭向胡安國李椿向敏中王巖叟李迪寇準劉摯劉安世鄒浩陳瓘胡銓趙汝愚凡十六賢湯漢記

李忠節祠在縣西祀宋李芾

皮公祠在縣北祀宋皮龍榮

七賢祠在縣北石鼓山明弘治間建祀韓愈朱子張栻黃幹李寬李士真萬歷間增祀周敦頤爲七賢

六賢祠在縣東明統志宋郡守劉清之建祀張九齡韓愈寇準周敦頤胡安國爲五賢明嘉靖中郡守蔡汝楠增祀清之改曰六賢

二守祠在石鼓山初在朱陵道院宋史劉清之傳作朱陵道院祠張九齡韓愈寇準周敦頤胡安國於左祠晉死節太守劉翼宋死節內史王應之於右雅儒吉士日相周旋其間而叅佐謀論多在焉府志嘉定中知縣孫德興遷此

衡山縣

秩祀

祠廟

南嶽廟在縣西北赤帝峯下虞夏殷周咸望祀焉秩視三公歐陽氏集古錄漢西嶽華山碑云孝武皇帝修封禪之禮巡省五嶽立宮其下宮曰集靈宮殿曰存仙殿門曰望仙門漢書郊祀志云南嶽灊山於灊此後遂以灊為南嶽唐武德真觀之制五嶽四鎮四海年別一祭各以五郊迎氣日祭之南嶽衡山於衡州復古制也天寶五載加王號宋乾德六年有司請祭南嶽於衡州從之大中祥符五年加帝號賜正號曰南嶽衡山之神

本朝因之凡有大事皆遣官祭告南嶽紀畧南梁合衡陽郡置南嶽宰祀官唐初建司天霍王廟開元十三年建南嶽真君祠十五年廟火宋大中祥符五年立南嶽後殿紹興二十五年廟火帥司重修之元至正八年長沙府尹劉光祖奉命重修明成化六年巡撫都御史吳琛定議出公帑大修嘉靖二十一年分守衡永道潘九齡勸募修葺萬歷十年分守衡永道管大勳開復水道填接後龍

本朝順治五年正殿燬於火康熙四十四年巡撫趙申喬奉

諭旨大修其制中為正殿後為寢殿注生宮轄神祠後北門

左右為東西廊前為

御書樓嘉應門

御碑亭正南門櫺星門鞏橋香亭碑亭神厨四隅角樓週遭圍牆康熙四十二年

御書匾額曰光輔紫宸四十七年

御書匾額曰永峙南維雍正十年巡撫趙弘恩奉

旨重修十三年

御書匾額曰功弘育物乾隆十六年巡撫楊錫綬范時綬奉

旨補修

御書匾額曰靈曜南雲二十年湖廣總督開泰檄行衡山

縣知縣黃宮查案清出歲修田二百九十五畝零共

租三百四十二石九斗零報部立碑充歲修之用

李鄴侯祠即明道山房在南嶽後

韓文公祠在縣城內即開雲樓嶽廟前亦有韓公祠

胡文定公祠即書院在衡山紫雲峯下祀胡安國父

子

二賢祠在嶽廟方廣寺右祀朱張二子

三賢祠在縣城內祀朱子張栻胡安國配以胡宏胡

寅林擇之每春秋二仲致祭

湛甘泉先生祠在廟市西紫雲峯下祀明兵部尚書

湛若水

蔣公祠在嶽廟前沙坪祀明知府蔣芳鏞

李公祠在嶽廟前明建祀知府李燾

許公祠在衡山寶善山房祀明知府許倓

轄神祠在南嶽廟後神元時蒙古人名阿兒思蘭以忠顯校尉爲潭州總管監修嶽廟能以廉惠集事廟成遂祀之

景行祠在嶽廟西街祀巡道張兆熊

康熙四十七年

御製重修南嶽廟碑

南嶽爲天南巨鎮上應北斗玉衡亦名壽嶽主靈長於祿位綿福祚於子孫載在星經由來尙已往歲專官致祭肅薦馨香復以廟貌傾頽勅命修葺蠲吉歲事鳩工庇材不斂閭左之錢不廢公旬之役群臣歡忭庶民子來經始於四十四年七月訖工於四十六年九月不三

歲而落成榱桷一新金碧重煥於時億萬臣民以茲嶽爲主壽之山咸欲伸其愛戴之悃爲朕祝釐而督撫諸臣亦合詞籲請爲宜親頒文翰宣導輿情朕以萬邦爲懷踐祚以來殫思治理區畫周詳敬

天勤民不遑暇逸而於嶽瀆諸祀典禮必虔凡以洽神人和上下也維茲南嶽靈爽斯憑亦期與吾民共樂雍熙同登仁壽大四海從風之治固萬年有道之基是則朕斂時錫福之至願云爾爰書重修歲月以示崇德報功之意俾勒之貞珉昭諸億禩焉

本朝順治八年

祭告南嶽文

惟神靈臺秀壁寶洞仙巖鈞物養民昭儀銓德朕誕膺
天命祇荷神庥特遣專官用仲殷薦惟神鑒焉

康熙六年

祭告南嶽文

惟神靈臺秀壁火德亨嘉鈞物養民昭儀銓德朕躬親
政務祇荷神庥特遣專官用仲殷薦惟神鑒焉

康熙二十二年

祭告南嶽文

惟神陽居大夏德著祝融鈞物養民以綏南服朕祇承
神佑邊疆蕩平特遣專官用仲殷薦惟神鑒焉

康熙二十三年

祭告南嶽文

惟神位司南紀德奠離宮長養羣生昭融萬象朕欽承
泰運時邁省方肅若舊章專官秩祀神其鑒焉

康熙二十七年

祭告南嶽文

惟神聳靈天柱配德祝融萬品潔齊奠綏炎服朕纘
祖宗之不基虔恭明祀茲以

皇祖妣孝莊仁宣誠憲恭懿翊天啟聖文皇后神主升祔太
廟禮成特遣專官用仲殷薦惟神鑒焉

康熙三十五年

祭告南嶽文

惟神位峙離宮德隆炎服昭融萬類涵育羣靈朕勤恤民依永期殷阜邇年以來郡縣旱澇間告年穀欠登蚤夜孜孜深切軫念用是專官特祀爲民祈福冀雨暘之時若庶稼穡之屢豐惟神鑒焉

康熙三十六年

祭告南嶽文

惟神位峙離宮陽居大夏綏佑南服永奠炎方朕以勦除狡寇三履遐荒期掃邊塵乂安中外今者祇承神佑塞北永清用告成功專官秩祀惟神鑒焉

康熙四十二年

祭告南嶽文

惟神德表南疆靈標離位三峯聳峙庶物咸亨朕祇承休命統馭寰區夙夜勤勞殫思上理歷茲四十餘載今者適屆五旬海宇昇平民生樂業見輿情之愛戴沛下土之恩膏特遣專官虔神秩祀尙憑靈貺益錫蕃禧佑我國家共登仁壽神其鑒焉

康熙四十八年

祭告南嶽文

惟神離宮毓德炎服鍾靈萬象昭融羣生煦育朕仰荷天庥撫臨海宇建立元良歷三十餘載不意忽見暴戾狂易之疾深惟

祖宗洪業及萬邦民生所繫至重不得已而有退廢之舉漸

次體驗當有此大事時性生奸惡之徒各庇邪黨借端構釁朕覺其日後必成亂階隨不時究察窮極始末因而確知病源皆由鎮壓亟爲除治幸賴

上天鑒佑平復如初朕比因此事耗損精神致有劇疾皇太子晨夕左右憂形於色藥餌必親寢膳必視惟誠惟謹歷久不渝令德益昭丕基克荷用是復正儲位永固國本特遣專官敬申殷薦惟神鑒焉

康熙五十二年

祭告南嶽文

惟神表鎮離宮網維南紀靈著岫嶺秀挺祝融朕繼受鴻圖撫臨區宇殫思上理夙夜勤求惟日孜孜茲御極

五十餘載適當六旬初屆所幸四方寧謐百姓又和稼穡歲登風雨時若維庶徵之協應爰羣祀之虔修特遣專官式循舊典冀益贊雍熙之運尙永貽仁壽之休

康熙五十八年

祭告南嶽文

惟神正位離宮儲靈南紀功高長養德茂恢台朕纘承祖宗丕基虔恭明祀茲以

皇妣孝惠仁憲端懿純德順天翼聖章皇后神主升祔太廟禮成特遣專官用申秩祭惟神鑒焉

雍正元年

祭告南嶽文

惟神表正離宮網維南紀靈鎮岫嶺秀挺祝融朕纘受
丕基新承景命竊念

皇考膺圖以來百靈效順四海從風坐享昇平六十餘載茲
當嗣位之始宜隆祀享之儀特遣專官虔申昭告惟冀
時和歲稔物阜民安淳風徧洽乎寰區厚德長敷于率
土尙其歆格鑒此精誠

乾隆元年

祭告南嶽文

惟神德炳離宮靈鍾南服昭融萬象長養功宏朕纘承
大統仰紹前徽伏念

皇考臨御以來敬禮明神肅將禋祀靈祇孚應昭受鴻庥清

晏奠安茂臻上理茲當嗣位之始宜隆望秩之儀特遣
專官虔申告祭惟冀雨暘時若年穀順成萬方蒙樂育
之休兆姓荷帡幪之德尙其歆格鑒此精誠

乾隆十四年

祭告南嶽文

惟神軫翼分躔朱明應位功隆長養永奠炎方茲以
微枚寧中宮攝位

慈寧晉號慶洽神人敬遣專官用申殷薦神其鑒焉

乾隆十五年

祭告南嶽文

惟神軫翼分躔朱明應位功隆長養永奠炎方茲以正

位中宮鴻儀懋舉

慈寧晉號慶洽神人敬遣專官用申殷薦神其鑒焉

乾隆十六年

祭告南嶽文

惟神軫翼分躔朱明應位功隆長養永奠炎方茲以

慈寧萬壽懋舉鴻儀敬晉徽楫神人慶洽爰申殷薦特遣專

官神其鑒焉

乾隆二十年

祭告南嶽文

惟神離明應位屹峙育邦德著祝融功隆長養茲以平

定準噶爾大功告成加上

皇太后徽號神人慶洽中外蒙庥敬遣專官用申秩祭惟神

鑒焉

耒陽縣

伍子胥廟在縣北伍相橋側伍員仕楚嘗居此立廟

祀之

靈顯廟在縣東北鷺山唐末盜起郴人廖思文弟思

政思宥三人率鄉民保障寇莫敢犯因立祠祀之有

禱輒應宋賜今額

羅合廟在縣西南四里西湖側

障隍廟在縣南門外祀漢羅訓

昭烈祠在縣西

龐統祠在縣西南四里湖廣通志統嘗為縣令後人為立祠每年春秋致祭

蔡倫祠在縣南蔡池上元知縣陳宗義有記

杜少陵祠在縣北二里杜甫葬此因立祠每年春秋

致祭

常寧縣

盤古祠在縣西十里盤古峯下

三皇祠在縣南門外前殿祀三皇後有兩華臺

藥王廟在縣東

熒惑廟在縣南門外

忠臣祠

門外舊學後祀元學士劉燾孫

安仁縣

四忠祠在縣東南三里明正德中建祀唐將南霽雲

雷萬春及宋周必大陳億孫嘉靖中改建為清溪書

院專祀周必大

周文忠祠在儒學左其地名益相里宋丞相周必大

嘗讀書處也明弘治中郡守鄧淮建祠祀之

忠節祠在儒學右明成化間學使薛綱立祠以祀宋

叅議陳億孫

高長官祠在縣西五里蜜泉宋嘉祐間建祀縣令高

岳

尹公祠在城內明嘉靖間知縣尹鳴商有惠政民立

祠祀之

賴公遺愛祠在縣治北明萬歷中建祀知縣叔霖

鄱縣

炎帝廟在縣西三十里炎陵旁輿地紀勝炎帝廟在陵側乾德五年建廟六年以祝融配食九年詔移廟就縣去縣五里淳熙十三年仍移陵側每年春秋致祭炎陵志乾德中遣官致祀舟覆奏復立殿縣南以承大祀明嘉靖間乃卜於其右址為拓而新之中為殿殿外建高閣寬廣如殿碑碣錯峙其間閣下為陛道丹墀如制東西兩廡各三間周遭垣墻前列二門李義祠在縣東康樂鄉湖廣通志晉李義擊賊有功

邑人祀之

趙公祠在署南祀巡撫趙申喬

永州府

社稷壇在府城北門外

風雲雷雨山川壇在府南門外

先農壇在府東郊

名宦祠 鄉賢祠在學宮戟門左右

忠義孝弟祠在學宮旁立碑祠前

節孝祠在學宮旁建坊祠前

關帝廟在府城內東山

火神廟在城內魁星嶺

城隍廟在府治東

郡厲壇在府北門外

里社鄉厲二壇在府城北

以上壇廟祠各州縣皆如制

旗纛廟在府後萬石亭右

零陵縣

南嶽廟在城東岡

永山祠在縣南七十里府志祠旁古梅數百樹花發

時滿山如雪

帝舜廟在縣治南

瀟湘廟在瀟湘門內明洪武四年封為瀟湘一川之

神

黃神祠在縣東七十里唐柳宗元遊黃溪記田黃溪

東屯南六百步至黃神祠神王姓莽之世也莽既死

神更號黃氏居黃溪民咸安焉以為有道死乃為立

祠

留侯廟在縣南四十里

諸葛廟在縣南三里百家渡

三賢祠在郡圃祀漢召信臣龍述宋胡寅今廢

呂將軍廟在縣東祀吳呂蒙孫權使蒙略地零陵軍

令嚴整人皆感悅為之立廟

唐公廟在城內高山寺右舊名零陵王廟祀唐唐世

旻明統志唐世旻本零陵人年十七在郡為衙校唐季寇盜充斥世旻能擁州兵以全郡邑湖南馬氏以王爵享祀之後宋亦累封焉

寓賢祠在朝陽巖上舊為唐獨孤恂實必所建茅閣明正德中知府曹來旬專祀唐元結為元刺史祠嘉靖間知府唐琦合宋時遷謫諸賢以黃庭堅蘓軾蘇轍鄒浩范純仁范祖禹張浚胡銓蔡元定諸賢並祀之名曰寓賢祠後司理萬元吉復增祀楊萬里萬里子長儒

柳子祠在城西愚溪上記唐柳宗元宋汪藻有記

濂溪祠在城北濂溪書院內

浮溪祠在城北望江樓下記宋汪藻

楊誠齋祠在縣治左祀爽楊萬里府志公為零陵丞有惠政

忠節祠在府學左祀明末死難太僕寺卿陳純德

祁陽縣

盤古廟在縣北三十里

瀟湘廟在縣東門內祀帝舜及湘君湘夫人

昭陵廟在城北隅

武侯祠在縣南門右祀諸葛武侯

顏元祠在縣南浯溪上記唐顏真卿元結每年春秋致祭浯溪志古有兩祠不詳所始宋紹興中永州

許永祁陽縣令劉獬始合為一明成化中僧正禱重建於中宮寺之右

濂溪祠在縣東二里上為鎮祁樓

清忠祠在城內祀宋岳飛

東安縣

舜廟在縣西陽江源

黃石公祠在縣東北一百七十里獬豸山

鄧高密侯廟在縣石背村義氣橋邊

諸葛廟在縣治西每歲春秋致祭

唐公廟在縣城南

周元公祠在縣城西每歲春秋致祭

道州

南嶽廟在州南門

舜帝祠在州西半里學宮後唐元結建後漢書郡國

志引營陽郡記曰營浦縣南三里餘有舜南巡止宿

處今立廟湖廣通志學旁石刻虞山二字

皋陶廟在州西營樂鄉世傳皋陶隨大舜至此

楊刺史廟在州西東陽觀右祀唐刺史陽城

崇應廟在州西北五里五龍山下晏殊類要唐陽城

出守道州至襄陽有五老人來迓自云春陵人城與

之帛問其所居曰居城西北五里至則訪焉惟有五

龍井帛猶存因為立廟大觀四年賜廟號曰崇應政

和中封侯魯山有五侯祠

李王廟在州西南登封鄉唐李靖南征有功民為立廟

元顏二公祠在州東門外五如石之畔康熙二十八

年知州蕭雲鳳重建

置有祭田

寇萊公祠在州治西宋寇準嘗貶道州司馬州為立祠

周濂溪祠在州學內祀宋周惇頤胡銓為記淳熙間重建張栻記

蔡公祠在州西祀宋蔡元定

歐陽崇公祠在州治內今廢

石將軍廟在州西門外祀元將軍石堅

沈守備祠在州北六十里祀明沈至緒湖廣通志至

緒山陰人以武進士為永道守備崇禎戊寅高紫一

源猺賊犯道州至緒誘賊至木壘其地阻山拒水因

率眾逼之賊知不免殊死鬪值監司蔡官治忌功援

兵不至至緒遂戰死其女名官弟年十五通書曉兵

再戰殺賊甚眾奪父屍而還城獲全事聞得卹典立

祠於木壘春秋致祭

寧遠縣

舜廟在縣南九疑山下營陽郡記九疑山下有舜祠

故老相傳舜登九疑水經注九疑山南有舜廟前有

石碑文字缺落不可復識自廟仰山極高直上可百餘里九疑志舜廟在大陽溪蓋三代時祭於此其遺址名白鶴觀前土人呼爲太廟云秦漢以來立廟在玉琯巖前百步乃何侯故宅至唐舊廟湮廢刺史元結奏立於營道城之西僖宗時長沙胡曾權延唐令請於朝復立廟於玉琯巖下有勅建舜廟碑記後廢宋時禁樵採置守陵五戶有廟在簫韶峯下建隆初刺史王繼勳奉詔重修知制誥張澹奉勅撰碑今亦湮滅無考有明太祖洪武四年遣編修雷燧致祭乃遷廟於今所勅以春秋仲月上甲日縣令具牲帛致祭凡遇國家慶幸之典則撰祭誥賫香帛遣官特祭牲用太牢祭不以時正德十六年永州推官王瑞之重建正殿一座中供石主香亭三間儀門三間左右齋廊各三間萬歷三年靖守蔡光重修

本朝因之祀典一如舊制康熙二十九年知縣李應期謀及守僧並給以膳田資其守護四十五年知縣徐旭旦加修基址階砌益加培固

泰伯祠在縣北五里方輿勝覽祠在舜峯下縣志在玉琯巖下明洪武初遷於簫韶峯下每歲春秋致祭阜陶廟在縣西江滸上

仲雍祠在泰伯祠側縣志相傳與泰伯採藥於此天啓二年知縣蔣鑽申請列入祀典

春陵侯廟在縣北春陵故城東後漢書城陽王祉傳
建武十八年詔零陵郡奉祀節侯戴侯廟以四時及
臘歲五祀焉

龍飛廟在縣西北祀漢光武

褒忠祠在縣東南祀宋都巡檢王政乾道初郴寇犯
境政禦之被執罵賊死贈觀察使立廟祀之

蕭孝子祠在褒忠祠後

永明縣

盤古廟在縣東北文德鄉

篋竹廟在縣西南十里祀漢高祖

王佐廟在縣南十五里祀唐李靖

濂溪祠在學宮東

周御史廟在縣西二十里祀宋周渭建隆初奏免嶺
南耗租民感而祀之一統志廟在凍青源渭恭城人
吳將軍廟在縣南六十里祀宋吳舜舉縣志舜舉崇
福鄉人從狄青協謀破儂智高

江華縣

南嶽廟在縣南二里

淮南王子廟元和志淮南王子廟在江華縣南七十
二里荆州記云淮南王被誅其子奔至此城門化爲

石今東塘神

東植廟在縣東十里祀漢平都侯蔣嵩

李王廟在縣南一里祀唐李靖

烈女祠在城內為趙志倫女向貞立

新田縣

福德祠在縣治內

寶慶府

社稷壇在府城西北一里

風雲雷雨山川壇在府治南

先農壇在府東郊

名宦祠 鄉賢祠在學宮戟門左右

忠義孝弟祠在學宮旁立碑祠前

節孝祠在學宮旁建坊祠前

關帝廟在府城東

城隍廟在府城內

郡厲壇在府治北

里社鄉厲二壇在府治北

以上壇廟祠各州縣皆如制

旗纛廟在府治後

邵陽縣

盤古廟在城西十里

大舜廟在城北一里唐張謂有碑

大禹廟在城北四十里宋建

龐將軍廟在城內宣忠坊祀漢龐統

諸葛武侯廟在城東南二里宋建

張桓侯廟在城西門外祀漢張飛

鄧留後廟在城東祀唐刺史鄧處總府志處納起兵

討周岳于潭州為劉建鋒所害

水府廟在城東

八蜡廟在城東二里

普濟廟在城東八十里宋建祀龍神

張太尉廟在城西祀張九成

召伯祠在縣西關舊在城東三十里祀召公奭順治

十六年知府張惟養改建每歲春秋致祭

濂溪祠在府學內

二先生祠在府學祀周濂溪張無垢

四先生祠在縣治內一統志祀周張二先生外又增

朱子及陸子靜

岳忠武祠在縣治南

二忠祠在城東祀宋敷文閣待制知寶慶府曾如驥

明寶慶衛同知賀興隆

三忠祠在城東祀明知府李振瑛通判何三傑教諭

王紱

忠孝祠在府城內祀明河南新鄭縣知縣劉孔暉

以上三祠春秋致祭

楊海清祠在石井鋪

新化縣

大禹廟在縣北蘓溪關

英祐廟在縣東一里資江西祀江神

朱公祠在縣南祀推官朱應昇

余公祠在縣南祀知縣余傑

林公祠在縣南福景山祀知縣林培

城步縣

飛山廟在縣東關祀宋誠州刺史楊通寶之祖再思

伏波將軍廟在縣南門外

忠勇祠在縣東南一百三十里長安營五川隘乾隆

八年

勅建撥田二十畝奉春秋祭祀二十一年署寶慶府同知

江宗岳修初乾隆五年逆苗不法橫嶺巡檢王淦奉

委徃苗崗化誨安撫同綏寧把總歐國璋風界外委

鄧岐山新寨把總李三省帶領弓兵楊才等入山逆

酋粟賢宇等抗拒肆行細縛王淦大罵被賊拋入深

箐而死李三省向阻與歐國璋鄧岐山並被執不屈

死其同時死難兵丁唐士榮李衡尹弘才唐正祿胡

正賢王之魁黃揚名王正相田瑚九名巡檢弓兵楊

才易進陶忠三名經湖廣總督阿爾賽奏准建祠春

秋致祭其大兵進勦奮勇陣亡千總張文英把總王

宗江張章鄧廷瑞林玉涇自成兵丁朱世貴范光祖

秩祀

祠廟

蔡國梁夏正吳正景如龍張世朝艾玉貴陳章王俊
 石可杵李自林張長松陳朝相楊禧劉正加錢珍王
 金劉宗玉范弘道亢必勝錢鳳羅登榮曾應宗陶國
 棟李文秀李文運劉彥彭元陳璉蔣世得王得勝張
 吉郝明龐喬林曹以華潘成龍梅起昆徐忠熊品李
 芬祁應龍李良忠張洪方朱世忠賀成毅劉朝鼎高
 景福彭明德周啟舜鍾秀張奉史廷誠林瑞何宗璧
 賴枝胡於臨廖登文田正奇方位王士鳳石義胡丙
 穆擎嶽黃河清又陣亡鄉勇楊永慶藍國相藍克茂
 楊法保楊昌言吳才香藍光尊藍老七龍美還楊樓
 富楊杖龍楊再興黃萬祥黃元勳吳必珍吳合三許
 連成成捷劉必要並准從祀又追祀乾隆元年擒擒
 兇獍蒲寅山之陣亡官兵把總李如松兵丁羅綱蔣
 智黑起昇王元奇劉漢選申正明胡永華譚大華王
 繼文王朝棟王聯金章林柏玉李弘貴王起龍張從
 德周紹榮張大用喻公伯苗獍鄉勇陳子文楊昌位
 龍祿祖楊三元陳友富陳傳修周永章李興朝楊子
 雲楊老四楊子祥楊辰沉並一體從祀

武岡州

鼇山廟在州城東墨池前府志祀秦李孝子失其名
 武侯廟在州治右宋淳祐間建

寧遠廟在州南州志神姓劉名錫宋熙寧三年禦寇

沒於王事元賜廟額

昭潭廟在州南五里古山之麓祀昭潭龍神

渠渡廟在州城北祀土神湖廣通志宋封神為靈濟

侯

新寧縣

水府廟在縣東二里

沈水廟在縣東三十五里祀伍子胥

白公廟在縣南祀楚大夫白善

陳馬二公祠在縣東二里祀唐陳志業馬瓚

十先生祠在縣學旁湖廣通志元縣尹李文淵創始

蕭從周繼成之祀周惇頤程顥程頤張載邵雍司馬

光朱子張栻呂祖謙元許衡邑人許元齡輸私田百

畝供祭祀

袁侯廟在演武廳前祀明知縣袁劉芳

岳州府

社稷壇在府城北

風雲雷雨山川壇在府城南

先農壇在府西郊

名宦祠 鄉賢祠在學宮戟門左右

忠義孝弟祠在學宮旁立碑祠前

節孝祠在學宮旁建坊祠前

關帝廟在府城西

城隍廟在府治北

郡厲壇在府城東

里社鄉厲二壇在府城北

以上壇廟祠各州縣皆如制

旗纛廟在府城南

巴陵縣

湘妃廟在縣西南君山祀堯二女楚辭湘夫人帝子降兮北渚王逸注言堯二女娥皇女英隨帝不返墮於湘水之渚因為湘夫人唐韓愈黃陵廟碑堯之長女娥皇為舜正妃故曰君其二女女英自宜降為夫人也故九歌詞謂娥皇為君謂女英帝子各以其盛

者推言之也縣志宋元豐五年知岳州鄭民以祈禱

有應請諸朝封湘君為淵德侯嘉定五年重建湘君

祠於君山以湘夫人配之一統志湘君湘夫人韓愈

說最當宋封淵德侯及以湘妃配似以湘君為男子

皆不學者之所為也今釐正仍稱湘妃廟

孝感廟在縣南南津港北岳陽風土記孝烈靈妃孝

感侯廟秦武陵介羅君用因督鐵運溺水死其女挈

弟尋父屍不獲遂相繼赴水死邦人哀而祀之謂之

羅娘廟靈響寢著凡有舟楫往還祈之利涉後唐明

宗天成二年丁亥湖南馬殷承制列姊在左弟在右

元豐中始賜今封岳人禱祠無虛日舊在歸渡南祀

者以為不便托言神意遂移今廟

巴山廟在城內巴邱山

八蜡廟在城北明嘉靖間知府李玳建

火神廟在南門內

湖山神廟在城南祀洞庭君山神岳陽風土記洞庭

上有洞庭真君廟堂

洞庭神廟在洞庭湖金沙洲上康熙十八年

王師討賊駐此波浪不驚舟師克濟

御製祭文遣官致祭虞喜志林洞庭湖神過客祈禱必驗分

風送船湘水元夷鹿角西岸有沙聚起十餘丈名曰龍

堆即洞庭廟也

勅封洞庭神祭文

朕惟景運長隆允藉百靈之助明祇效順聿修成秩之

文是以詩誦懷柔禮悖禋祀緬稽祭義胥答鴻庥况予

肆征不庭佐國威於有赫采入其阻彰神怒之式憑幽

贊聿昭褒稱宜懋惟

神德符河海秀結東南緄山峽之洪流滙九江之殊派膏

吳潤楚管美利以成能浴日含雲協太虛而敷化粵白

唐宋歷被崇封爰暨國家彌宣偉績頃者逆氛未靖天

討用加地當師旅之屯衆賴精英之祐閱時八月波浪

不驚俾我六軍艣艦共濟堅城立拔餘孽宵奔眷言捷

伐之奇勳實屬神功之不顯特申昭報式考彝章封為

洞庭湖之神載諸祀典神其永膺嘉號配嶽瀆而偕尊
益著禎符格馨香於勿替嵩官告祭惟神鑒知

龍王廟在城東二十里

三閭大夫廟在城南六十里

孫王廟在城東祀孫權

魯將軍廟在縣北岳陽風土記廟在會泉門外乃魯

肅廟也孫權使肅守巴邱後人祀之

五賢祠在城內祀魯肅陶侃滕宗諒李鏡陶宗孔

雷將軍廟在城南七十里祀唐雷萬春明少保鄭延

瓚總督兩廣軍務征鬱林諸種蠻感夢於公次日會

戰因得默佑後疏請於朝崇祀東陵

李公祠在城北祀知府李鏡後益以知府張舉

岳忠武廟在縣南舊在城北七里山後改建每年春

秋致祭

康太尉廟在城南三十里一統志祀宋康保裔保裔

三世俱死王事

閔忌廟在城內宋淳祐初制置使孟珙以荆襄殉難

之臣創祠祀之賜額閔忠

賈烈婦廟在七里山祀宋賈瓊妻韓氏詳列女

淑濟祠在縣南五里祀秦孝女羅氏詳列女每年春

秋致祭

臨湘縣

劉公廟祀宋劉琦一在縣中街一在城陵磯

太尉廟在城南五十里鳳凰山祀康太尉

崇惠廟在城東南三十里府志宋建祀山神以禱雨

石通判廟在縣東南大雲山祀宋岳州通判石光

平江縣

老子祠在縣東道巖山

孝女祠在縣治東祀羅氏姊弟詳列女

三賢祠在縣治右祀屈原王旦唐介

三閭廟在縣南明正德間建

石瀨廟在縣東岳陽風土記石瀨廟乃關羽廟湘州

記云石子山溪西有小溪溪水映徹關羽南征喜憇

此因名關瀨今廟亦以此名之隨軍土地三軍廟助

順廟圖經皆以為關羽並呂蒙行軍所置

魯公祠在縣城東吳魯肅為建昌太守屯兵於此後

人立廟祀之

王文正公祠在縣治左祀王旦岳陽風土記王文正

嘗宰平江治有異政邑人為立祠至今尚存

九君子祠在縣治東亦稱九君子堂元至正中建祀

宋李儒用吳雄毛友誠方暹許炳魯仕能萬鎮方輓

鄒輓

杜公祠在城內祀明署縣事杜岡益

宋公祠在縣東南祀明死難知縣宋鑑配以典史張

秩祀

祠廟

澄縣吏王和

伍公祠在縣治西門內祀知縣伍士琪

華容縣

大禹王廟在縣城東南岳陽風土記禹山上有禹廟

申公廟在縣東陳石橋祀楚申亥

鼎山廟在縣城東祀漢昭烈明初建

漢處士胡綱祠在縣學內

伏波廟在縣南門外

荆飲飛廟在縣城南三十里楊子洲相傳有蛟為患

飲飛渡江斬之自是患絕因立廟以祀

墨山廟祀陳墨子以六月六日祭府志山神也

洪山廟在縣南門外祀張巡

馬王廟在縣西北祀五代馬殷

勇士王相祠在縣北門外明嘉靖間寇至相以民兵

戰死知縣周霄立祠祀之

劉忠宣祠在縣小北門明建祀劉大夏

本朝乾隆十年副使嚴有禧等重修

常德府

社稷壇在府西一里

風雲雷雨山川壇在府東門外二里

先農壇在府城西

名宦祠 鄉賢祠在學宮戟門左右

忠義孝弟祠在學宮旁立碑祠前

節孝祠在學宮旁建坊祠前

關帝廟在府西北

火神廟在府城西關

城隍廟在府治東

郡厲壇在府北三里

里社鄉厲二壇在府西門外

以上壇廟祠各州縣皆如制

旗纛廟在府治南

武陵縣

舜二妃廟在城西

陽山廟在縣東北湖廣通志祀陽山之神宋封靈濟

侯賜廟額

忠佑廟在城內祀宋刺史程昌寓

英佑侯廟一在東門外一在清泥灣祀水府神

善卷祠在縣東南善德山上宋李燾有記

三閭祠在縣東二里

四賢祠在府學前祀屈源馬援唐介岳飛

馬伏波祠在縣南沅水上

雙忠祠在縣西南祀張巡許遠

烈士祠在縣西善濟山上祀唐袁叟

桃源縣

伏波將軍廟在縣南三里

陶靖節祠在縣西南桃源洞祀晉陶淵明

蘓公祠在縣東三里祀明邑人蘓彬事詳

龍陽縣

潘將軍廟在縣東八十里祀蜀漢時吳潘濬

洪沾水神廟在縣東一百八十里濱湖西祀洞庭湖

神

惠烈祠在縣東祀本縣典史青文勝每歲春秋致祭

詳各宦

沅江縣

南嶽廟在縣城南

湖西廟在縣西岸祀水神

蠡山廟在縣東北蠡山上祀越范蠡

辰州府

社稷壇在府城南

風雲雷雨山川壇在府城東北

先農壇在府東郊

名宦祠 鄉賢祠在府學戟門左右

忠義孝弟祠在府學旁立碑祠前

節孝祠在府學旁建坊祠前

關帝廟在府城東

火神廟在府城西門外

城隍廟在府城西

郡厲壇在府城北

里社鄉厲二壇在府城北

以上壇廟祠各州縣廳皆如制

旗纛廟在府治後

沅陵縣

火星廟在城東北併水星廟為一

馬援廟有二一在府城外江南岸宋時建明宣德間

改建薛瑄記一在壺頭山名青平廟

棠蔭祠在縣南祀分守道游震得萬士和鄒善王聖

項忠皆有功德及民者

瞿公祠在府學西祀明知府瞿汝稷

王忠臣廟在城外教場東北祀明辰州衛指揮同知

王夢麟

瀘溪縣

尹公祠在縣治西祀周尹吉甫

忠賢祠在縣治內宋建祀郡守張建侯汪長源盧陽

令王憲之

伏波廟在縣治北門城內

南公廟在縣治東祀唐南霽雲

岳忠武廟在縣北三十里下歐溪

辰溪縣

新息侯廟在縣治西祀馬伏波春秋致祭

善卷祠在縣江南岸湖廣通志宋祥符間詔春秋致

祭賜號遐世高蹈先生一統志在辰溪縣西大酉山

溆浦縣

南嶽廟在縣東

伏波廟在縣治西一統志宋建內有大觀樓流芳閣

每歲春秋致祭

乾州廳

馬王廟在廳城南門內祀楚馬殷

竹王廟在廳北五里鴉溪後漢書蠻夷傳夜郎初有

女子澣於逝水有三節大竹流入足間其中有號聲

剖竹視之得一男及長有才武自立為夜郎侯以竹

為姓黔省祀之極盛

永綏廳

火神廟在廳治小西門內

顯靈廟在廳治小西門外廳志宋有楊瀨兄弟二人

鄉有寇屢力禦之一方賴以安歿後土人為立祠頗

著靈異

鳳凰廳

諸葛武侯祠在廳東一里

竹王廟在廳北三十里

沅州府

社稷壇在府城北

風雲雷雨山川等壇

先農壇並在北關外

名宦祠 鄉賢祠在學宮戟門左右

忠義孝弟祠在北關外

節孝祠在南關外

關帝廟在府城南

火神廟在城東北

城隍廟在城北

郡厲壇在北關外

以上壇廟祠各州縣皆如制

芷江縣

英顯廟在縣東四十里神唐人姓林為溪洞首領沒

為神宋紹興中陰助討賊乾道間賜廟額英顯咸淳

五年封護國侯勅云沅芷澧蘭見於九歌楚俗之信

鬼而好祀尚矣爾神兄弟以溪洞首領競爽於唐而

顯跡於宋紹興却曹成之寇乾道賜新廟之名出雲

雨以致豐年禦強暴以保境內民頌之不休其何愛

侯封而不以慰沅人之心哉可依前件奉勅如左

漢車騎將軍張公廟在縣南四里祀蜀將張飛

昭靈廟在縣南五里祀三閭大夫宋嘉定中賜額

顯應廟在縣西北五里祀明山之神明統志宋章惇

討田元猛以兵事禱得吉十元猛果降因奏封顯應侯賜廟額

張公祠在城南祀明總督張岳

薛文清祠在城南祀明儒薛瑄以上二祠春秋致祭

黔陽縣

昭烈王廟在縣東演武場宋饒端學記畧寶慶初元

端學之母弟敏學來令此走書湘中屬紀事按朝奉

大夫方公師尹記云讀棄指亭記得王顯末王諱扞

姓張天寶中家滑之白馬在俠尚氣安史之亂張巡

許遠保孤城南霽雲與王素善遂俱入睢陽洎城陷

王與巡遠霽雲皆死之又按清湘志政和初賊潘宗

晷犯沅州城危垂陷衆急禱宗晷縱火有反風又聞

若有人呼外兵來援遂退邵州上其事特封靈佑侯

攷忠義傳載巡遣霽雲敗賊寧陵別將二十有五而

逸其姓名者四人益知山巔水涯斷碑遺文有助史

闕爲多云

馬王廟在縣南祀楚馬殷馬希範

向崇班廟在縣東北宋熙寧間建祀宋死事指揮向

貞

三閭祠在縣城西

三忠祠在縣城北祀屈原馬援關壯繆

饒公祠在縣學左宋建祀縣令饒敏學

統祀

祠廟

楊公祠在縣托口祀宋楊激

麻陽縣

伏波將軍祠有二一在縣南一在縣東浮石山春秋

致祭

武侯祠在縣內東街

懷忠祠在縣南祀明縣令朱瓚春秋致祭

四節祠在縣無水濱祀明向氏田氏四節婦列祀典

永順府

社稷壇在城西

風雲雷雨山川壇在城東

先農壇在東郊

名宦祠 鄉賢祠在學宮旁

忠義孝弟祠在學宮旁立碑祠前

節孝祠在學宮旁建坊祠前

關帝廟在東門外

火神廟在城內

城隍廟在城東

郡厲壇在城北

以上壇廟祠各州縣皆如制

永順縣

福民廟在縣西南白沙溪縣志舊建以祀五穀之神

伏波廟在縣東南會溪

龍山縣

龍王廟在縣城內北乾隆十四年知縣戴錫建

保靖縣

龍王廟在縣城西街乾隆二十一年知縣任兆熙建

伏波廟在縣南二十里

桑植縣

火神廟在南城樓上

水府廟在西門外

澧州

社稷壇在州城西

風雷雨山川壇在州城東

先農壇在州東郊

名宦祠 鄉賢祠在學宮戟門左右

忠義孝弟祠在學宮旁立碑祠前

節孝祠在學宮旁建坊祠前

關帝廟在州治東

火神廟在州北門外

城隍廟在州治西

州厲壇在州城北

里社鄉厲二壇在州城東南

以上壇廟祠各縣皆如制

旗纛廟在州城西北

三閭大夫祠在州東蘭江驛

李彭思王廟在州西彭山一統志祀唐澧州刺史李

元則舊名昭應廟明易今名每年春秋致祭

范文正公祠在州東

安鄉縣

申鳴大夫祠在州南六十里申鳴城祀楚大夫申鳴

三閭大夫祠在州東北二里

紀公廟在州東南六十里祀漢紀信

惠濟廟在縣北六十里黃山上一統志祀晉謝君遷

縣志黃山南禪寺有元至治二年碑記云安之黃山

屹然獨聳昔西晉謝君遷憇此因為立廟廟甚靈異

水旱疾疫禱之如響北宋政和間勅封惠應侯賜廟

額曰惠濟相傳為謝晦者非

陸公祠在縣南祀明岳守陸埏以上二祠春秋致祭

趙侯祠祀漢趙雲宋建乾隆十七年知縣黃宮碑記

白馬廟在縣東北十五里祀岳忠武近趙侯祠

范文正公祠在縣北讀書臺宋慶元中建

石門縣

彭山廟在縣東祀李元則

南嶽廟在縣江南

慈利縣

神農祠在縣西關外白雲山

秀峯祠在縣東七里宋劉子澄秀峯嘉惠碑記圖志載宋乾德中有石浮澧忽憑人言我故朱梁將武平也征蠻戰歿上帝命血食茲土其視我所止而祠焉有頃石躍於秀峯之麓觀者震駭始卽石爲位號而廟之民有疾苦禱輒應

永定縣

水府廟在南門外

郴州

社稷壇在城外東南

風雲雷雨山川壇在城外西北

先農壇在州東郊

名宦祠 鄉賢祠在學宮戟門左右

忠義孝弟祠在學宮旁立碑祠前

節孝祠在學宮旁建坊祠前

關帝廟在州城內

火神廟

城隍廟在州城東

州厲壇在州城南

里社鄉厲二壇在州城外西北

以上壇廟祠各縣皆如制

郴江祠在州城東祀柳宗元

旗纛廟在州城東

義帝祠在州西義陵前舊在州學後康熙五十八年知州范廷謀遷建湘中記柳縣有義陵祠

廣惠靈祐廟在州東柳江之濱州志黃師浩宜章人唐末死於寇風雨中隱隱見旗幟往來邑人為立廟

宋嘉定五年大疫宜章令趙彥北禱於神闔境甦息郡守以聞封廣惠侯寶祐四年歲旱禱雨立沛加封

廣惠靈祐明宣德間贛寇起將圍州城恍見神督兵自天而下寇退詔新廟宇

周齋君廟在州西南祀後漢桂陽太守周憬

景賢祠在州城東今為書院湖廣通志唐韓愈謫陽

山時過此郡人慕之立祠迄今春秋致祭

劉平章祠在州南祀唐劉瞻宋大觀初建

周濂溪祠一在州城南春秋致祭一在桂陽縣

忠愛祠在州城內祀宋守王橐巡道程秀民守道宋廷表

張浮休祠在州西耒江濱祀宋張舜民有宏樽石浮休刻各其上

何文簡祠在州治前祀吏部侍郎何孟春春秋致祭

忠肅祠在州城西祀兵部尚書鄺埜春秋致祭

柳毅祠在州城東魚鱗山上

女郎廟在州治西士民請禱輒驗唐韓愈柳州祈雨

詩乞雨女郎魂包羞潔且繁廟開鼯鼠叫神降越巫

言旱氣期銷蕩陰宮想駿奔行看五馬入蕭颯已隨
軒

永興縣

漢三侯祠在縣西祀安國侯王陵絳侯周勃舞陽侯
樊噲又桂東有漢三侯祠

孝婦祠在縣治西北有墓在焉一統志祀明歐端妻
蔡氏

忠靖祠在縣治北祀唐張巡

湖南夫子祠在學宮內祀宋陳純夫

宜章縣

昭德武陵侯祠在縣西南五十里石虎山祀邑人黃

師浩唐時為都統沒而為神禱雨多應春秋致祭

雷吳祠在縣西祀宋縣令雷濠吳溢

忠肅祠在縣城西祀明兵部尚書鄺埜春秋致祭

鄧參議祠在治東祀明鄧雲霄

楊公祠在縣東五里祀明縣令楊本厚

七賢祠在縣東門外祀邑令李教薛泰鄭希程劉珍

楊爍梁必登羅弘論後廢

興寧縣

李廣廟在縣城北

鄧都司廟在縣南八十里明都指揮鄧旻與賊力戰
死於此立廟祀之

桂陽縣

周濂溪祠在縣南門外桂枝嶺周子慶歷中為桂陽令邑人建祠

朱恭簡祠在縣東祀明左都御史朱英以上二祠春

秋致祭

六君子祠在縣學前祀周邵二程張朱六君子後廢

桂東縣

三閭祠在縣城南

靖州

社稷壇在州城北

風雲雷雨山川壇在州城南

先農壇在州東郊

名宦祠 鄉賢祠在學宮戟門左右

忠義孝弟祠在學宮旁立碑祠前

節孝祠在學宮旁建坊祠前

關帝廟在州城內

火神廟

城隍廟在州城南

州厲壇在州城北

里社鄉厲二壇在州境

以上壇廟祠各縣皆如制

馬王廟有二一在州治後一在州南演武亭左各勝

志誠州有馬神廟宋元豐間本州奏其神即伏波將軍夷人畏信之乞加爵號昭靈王或云廟本湖南馬氏所創蓋馬氏自謂伏波後裔欲以誇示蠻獠彈壓谿崗云

龍王廟在州城東明封惠濟後旱禱輒應

威遠侯廟在州西祀誠州刺史楊再思

朱子祠舊有紫陽書院後圯今並祀於鶴山書院

魏侍郎祠在州治北祀宋魏了翁即今鶴山書院春

秋致祭

朱公祠在州境祀宋永平知縣朱希顏

蘓公祠在州境祀宋韶州府尹蘓尚元

一忠祠在州西三里明嘉靖間巡撫顧璘建祀死節都指揮鄧旻曹鵬

忠節祠在州南州人宋以方死宸濠之難建祠祀之春秋致祭

綏寧縣

永豐祠在縣東祀社神

飛山廟在縣西門外祀楊再思

張公祠在縣西祀明知縣張炫

詹公祠在縣南祀縣丞詹信

通道縣

武侯祠在縣東

飛山廟在縣東

會同縣

南嶽廟在縣東

飛山廟在縣東楊再思宋封威遠侯

石萬戶祠祀宋石仲斌湖廣通志嘉定間五溪等處

苗叛斌出應募擒苗長潘元有功

李萬戶祠祀宋李萬庭嘉定間勦苗有功

聶公祠在縣東祀明知縣聶維賢

桂陽州

社稷壇在州北門外

山川壇在州南門外

先農壇在州東門外

名宦祠 鄉賢祠在學宮戟門左右

忠義孝弟祠在學宮旁立碑祠前

節孝祠在學宮旁建坊祠前

關帝廟在州署後

火神廟在州南門外

城隍廟在社稷壇旁

州厲壇在州北門外

以上壇廟祠各縣皆如制

大禹廟在州東北

趙常山將軍廟在州東芙蓉山側

七七賢祠在城內祀漢守衛颯茨充許荆欒巴度尚
昕臨武長唐羗後廢

護英祠在州西南芙蓉山下湖廣通志漢趙雲立營
於此因廟祀之宋進士黃照隣爲立碑
八蜡廟在州學後

龍渡廟在州南三十里祀龍渡山之神宋紹興十四
年賜廟額陳傅良有記

臨武縣

舜廟在縣西舜峯元至正四年知縣閔孝純重建明
嘉靖間修

周公祠在武水旁祀漢太守周憬

唐公祠在縣前祀漢邑令唐羗

伏波祠在縣東北四十里馬侯嶺一統志以援征南
時曾經其地故也

烈婦祠在縣南烈婦鄺氏詳烈女

藍山縣

舜廟在縣西南四十五里

皇英祠在縣東十五里百疊山

夔廟在縣西二里夔山下

龍廟在縣北二十里

